

საქართველოს სტატისტიკის ეროვნული სამსახური

უცხოელ ვიზიტორთა სტატისტიკა საქართველოში I კვარტალი 2025 წელი



30.04.2025
www.geostat.ge

30.04.2025


უცხოელ ვიზიტორთა სტატისტიკა

(I კვარტალი, 2025 წელი)

2025 წლის I კვარტალში საქართველოს ტერიტორიაზე დაფიქსირდა საერთაშორისო არარეზიდენტი მოგზაურების¹ 1.3 მილიონი შემოსვლა, რაც 1.1 პროცენტით მეტია წინა წლის ანალოგიური პერიოდის მაჩვენებელზე. შემოსვლების უდიდესი ნაწილი, 47.4 პროცენტი, განხორციელდა 31-50 წლის მოგზაურების მიერ.

დიაგრამა №1

2024-2025 წლების I კვარტალებში საერთაშორისო არარეზიდენტი მოგზაურების შემოსვლების განაწილება ასაკობრივი ჯგუფების მიხედვით



აღნიშნული რაოდენობიდან საერთაშორისო ვიზიტორების² მიერ განხორციელებული ვიზიტების³ რაოდენობამ 1.2 მილიონი შეადგინა, რაც 1.3 პროცენტით მეტია 2024 წლის ანალოგიური პერიოდის მაჩვენებელზე.

¹ტურიზმის მსოფლიო ორგანიზაციის მეთოდოლოგიის თანახმად, **მოგზაური** არის ნებისმიერი ასაკის პირი, რომელიც გადაადგილდება სხვადასხვა გეოგრაფიულ არეალს შორის ნებისმიერი ხანგრძლივობითა და მიზნით.

ვიზიტორი არის 15 წლის ან უფროსი ასაკის საქართველოს არარეზიდენტი მოგზაური, რომელმაც განახორციელა ვიზიტი საკუთარი ჩვეული გარემოდან საქართველოს ტერიტორიაზე ერთ წელზე ნაკლები დროით (გარდა შემდეგი კატეგორიებისა: დასაქმების მიზნით ჩამოსულები, საქართველოში აკრედიტებული დიპლომატიური ან საკონსულო ოფიცრები, შეიარაღებული ძალების წევრები ან მათ კმაყოფაზე მყოფი პირები, აგრეთვე პირები, რომლებიც ხშირად კვეთენ საზღვარს).

ვიზიტი არის ვიზიტორების გადაადგილება.


საქართველოს სტატისტიკის ეროვნული სამსახური

30.04.2025

ქვემოთ მოცემული დიაგრამა ასახავს 2024-2025 წლების I კვარტალებში საერთაშორისო არარეზიდენტი მოგზაურების შემოსვლებისა და საერთაშორისო ვიზიტორების მიერ განხორციელებული ვიზიტების რაოდენობას.

დიაგრამა №2

2024-2025 წლების I კვარტალებში საერთაშორისო არარეზიდენტი მოგზაურების შემოსვლებისა და საერთაშორისო ვიზიტორების მიერ განხორციელებული ვიზიტების რაოდენობა



2025 წლის I კვარტალში საერთაშორისო ვიზიტორების რაოდენობამ 970.5 ათასს მიაღწია, რაც 1.3 პროცენტით მეტია წინა წლის ანალოგიური პერიოდის მაჩვენებელზე.


საანგარიშო პერიოდში, საერთაშორისო ვიზიტორების მიერ განხორციელდა 958.9 ათასი ტურისტული ტიპის ვიზიტი, რაც 2.2 პროცენტით მეტია წინა წლის ანალოგიური პერიოდის მაჩვენებელზე. ქვემოთ მოცემული დიაგრამა ასახავს საერთაშორისო ვიზიტორების მიერ განხორციელებული ვიზიტების რაოდენობის განაწილებას ვიზიტის ტიპის მიხედვით.

საქართველოს სტატისტიკის ეროვნული სამსახური

30.04.2025

დიაგრამა №3

2024-2025 წლების I კვარტალებში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტის ტიპის მიხედვით



საერთაშორისო ვიზიტორების 82.6 პროცენტი მხოლოდ თურისტები⁴ იყვნენ. მხოლოდ ექსკურსანტების⁵ წილმა 13.7 პროცენტი შეადგინა, ხოლო ვიზიტორების 3.7 პროცენტი იყო როგორც თურისტი, ასევე ექსკურსანტი.

ცხრილი №1

2024-2025 წლების I კვარტალებში საქართველოს არარეზიდენტი ვიზიტორების რაოდენობის განაწილება ვიზიტორის ტიპის მიხედვით, ათასი

	I კვარტალი, 2024 წელი	I კვარტალი, 2025 წელი
მხოლოდ თურისტი	780.6	802.0
მხოლოდ ექსკურსანტი	139.3	132.7
როგორც თურისტი, ასევე ექსკურსანტი	37.9	35.7
სულ	957.8	970.5

⁴თურისტი არის ვიზიტორი, რომელმაც ღამე გაათენა საქართველოს ტერიტორიაზე.

⁵ექსკურსანტი არის ვიზიტორი, რომელიც ღამეს არ ათენებს საქართველოს ტერიტორიაზე.


საქართველოს სტატისტიკის ეროვნული სამსახური

30.04.2025

2025 წლის I კვარტალში ვიზიტორების ყველაზე დიდი რაოდენობა, 187.7 ათასი, დაფიქსირდა რუსეთის ფედერაციიდან, რაც ვიზიტორების ჯამური რაოდენობის 19.3 პროცენტს შეადგენს. მეორე ადგილზეა თურქეთი 16.5%-იანი წილით, ხოლო მესამეზე - სომხეთი 13.0%-იანი წილით. ვიზიტების ყველაზე დიდი რაოდენობა განხორციელდა თურქეთის (225.3 ათასი), რუსეთის ფედერაციისა (219.3 ათასი) და სომხეთის (180.8 ათასი) მოქალაქეების მიერ.

დიაგრამა №4

2024-2025 წლების I კვარტალებში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტორების მოქალაქეობის ქვეყნის მიხედვით



*იგულისხმება საქართველოს მოქალაქეები, რომლებიც სხვა ქვეყნის რეზიდენტები არიან.


საქართველოს სტატისტიკის ეროვნული სამსახური

30.04.2025

ვიზიტორების უმრავლესობა, 48.8 პროცენტი, მიეკუთვნებოდა 31-50 წლამდე ასაკობრივ კატეგორიას, ქალების რაოდენობა კი მთლიანი ვიზიტორების რაოდენობის 36.5 პროცენტს შეადგენდა.

დიაგრამა №5

2025 წლის I კვარტალში საქართველოს არარეზიდენტი ვიზიტორების რაოდენობის განაწილება ასაკობრივი ჯგუფების მიხედვით



ცხრილი №2

2025 წლის I კვარტალში საქართველოს არარეზიდენტი ვიზიტორების რაოდენობის განაწილება სქესის მიხედვით, ათასი

	რაოდენობა	%
კაცი	615.8	63.5
ქალი	354.7	36.5
სულ	970.5	100.0

საქართველოს სტატისტიკის ეროვნული სამსახური

30.04.2025

2025 წლის I კვარტალში ვიზიტების ყველაზე დიდი ნაწილი, 42.2 პროცენტი, განხორციელდა დასვენების, გართობისა და რეკრეაციის მიზნით.

ცხრილი №3

2025 წლის I კვარტალში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება ვიზიტის ძირითადი მიზნის მიხედვით, ათასი

	რაოდენობა	%
დასვენება, გართობა, რეკრეაცია	494.7	42.2
მეგობრების/ნათესავების მონახულება	336.9	28.7
ტრანზიტი სხვა ქვეყანაში გადასასვლელად	163.5	13.9
პროფესიული/ეკონომიკური საქმიანობა	81.2	6.9
შოპინგი	74.1	6.3
სხვა	21.9	1.9
სულ	1 172.3	100.0


ვიზიტების უმრავლესობა განხორციელდა თბილისსა და აჭარის ა/რ-ში, შესაბამისად, 665.7 ათასი და 301.8 ათასი ვიზიტი. ქვემოთ მოცემული დიაგრამა ასახავს ვიზიტების რაოდენობის პროცენტულ განაწილებას მონახულებული რეგიონების მიხედვით.

საქართველოს სტატისტიკის ეროვნული სამსახური

30.04.2025

დიაგრამა №6

2025 წლის I კვარტალში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება მონახულებული რეგიონების მიხედვით




2025 წლის I კვარტალში განხორციელებული ვიზიტებისას გათვლილი ღამეების საშუალო რაოდენობამ 5.50 ღამე შეადგინა, რაც 2024 წლის I კვარტალში დაფიქსირებულ მაჩვენებელზე (5.45 ღამე) 0.8 პროცენტით მეტია. განხორციელებული ვიზიტების 85.1 პროცენტი წარმოადგენდა განმეორებითი ხასიათის ვიზიტს. ქვემოთ მოცემული დიაგრამა ასახავს 2025 წლის I კვარტალში საქართველოში განხორციელებული ვიზიტების რაოდენობის პროცენტულ განაწილებას კმაყოფილების დონის მიხედვით.

საქართველოს სტატისტიკის ეროვნული სამსახური

30.04.2025

დიაგრამა №7

2025 წლის I კვარტალში საქართველოს არარეზიდენტი ვიზიტორების მიერ განხორციელებული ვიზიტების რაოდენობის განაწილება კმაყოფილების დონის მიხედვით



2025 წლის I კვარტალში განხორციელებული ვიზიტებისას გაწეული ხარჯები 2.3 მილიარდ ლარს გაუტოლდა, რაც 8.3 პროცენტით მეტია წინა წლის ანალოგიური პერიოდის მაჩვენებელზე. ვიზიტზე საშუალო ხარჯი 2024 წლის I კვარტალთან შედარებით 6.9 პროცენტით გაიზარდა და 1 998.3 ლარი შეადგინა.

საქართველოს სტატისტიკის ეროვნული სამსახური

30.04.2025

ცხრილი №4

2025 წლის I კვარტალში საქართველოს არარეზიდენტი ვიზიტორების მიერ განხორციელებული ხარჯების განაწილება ხარჯების კატეგორიების მიხედვით

	ხარჯი (მლნ. ლარი)	%	საშუალო ხარჯი ვიზიტზე (ლარი)
საყიდვები	603.9	25.8	515.1
საკვები და სასმელი	573.1	24.5	488.9
განთავსება	565.9	24.2	482.7
გასართობი, გამაჯანსაღებელი, კულტურული და სპორტული ღონისძიებები	366.8	15.7	312.9
ადგილობრივი ტრანსპორტი	204.3	8.7	174.2
სხვა	28.8	1.2	24.5
სულ ხარჯი	2 342.7	100.0	1 998.3

შენიშვნა: ცალკეულ შემთხვევებში მცირე განსხვავება საბოლოო შედეგსა და შესაგრებთა ჯამს შორის აიხსნება მონაცემთა დამრგვალებით.

საქართველოს სტატისტიკის ეროვნული სამსახური

საკონტაქტო პირები:

დავითი ჟორჯოლიანი, ტელ: 2 36 72 10 (601), E-mail: dzhorzholiani@geostat.ge

მარიამ ყაველაშვილი, ტელ: 2 36 72 10 (020), E-mail: mkavelashvili@geostat.ge